

Broj: 901-334/19**Datum:** 18.03.2019.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke Radiotelevizije Bosne i Hercegovine, donosim

O D L U K U

kojom je za najpovoljnijeg ponuđača za nabavku stručnih časopisa „Priručnik o porezima i doprinosima“ i „Registar propisa BiH“ u printanom izdanju za period od četiri (4) godine izabran ponuđač **Fineks d.o.o. iz Sarajeva.**

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine broj **101-228/19** od **18.02.2019. godine** Komisija za javne nabavke je pokrenula postupak javne nabavke koji za predmet nabavke ima **nabavku stručnih časopisa „Priručnik o porezima i doprinosima“ i „Registar propisa BiH“ u printanom izdanju za period od četiri (4) godine.**

Postupak predmetne nabavke je obavljen po konkurentskom zahtjevu za dostavljanje ponuda. Obavještenje o nabavci objavljeno je na web portalu elektronskih javnih nabavki **www.ejn.gov.ba** dana 27.02.2019. godine pod brojem **113-7-1-9-3-36/19.**

Ponude za stručne časopise **“Priručnik o porezima i doprinosima” i “Registar propisa BiH”** dostavila su dva ponuđača, i to:

- **FINEKS d.o.o. iz Sarajeva** KM 1.872,00 (sa PDV-om)
- **INTER-COM d.o.o. iz Zenice** KM 631,80 (sa PDV-om)

Provjerom primljenih ponuda, te nakon odgovora dobijenih od ponuđača Komisija je ustanovila da je ponuda ponuđača **Fineks** u potpunosti validna, u skladu sa Zakonom o javnim nabavkama Bosne i Hercegovine i tenderskom dokumentacijom, dok je ponuđač **Inter-Com** dostavio ponudu sa cijenom kalkulisanom na bazi 1 godine, a ne 4 godine, kako je traženo tenderskom dokumentacijom. Zbog toga je

ponuda ovog ponuđača odbijena kao nevalidna i nije uzeta u razmatranje prilikom valorizacije i izbora najpovoljnijeg ponuđača. Detaljno obrazloženje o analizi primljenih ponuda dato je u **Izvještaju Komisije za javne nabavke** koji predstavlja sastavni dio ove Odluke.

S obzirom na navedene činjenice, te na činjenicu da je kriterij za izbor najpovoljnijeg ponuđača najniža cijena tehnički zadovoljavajuće ponude, u skladu sa članom 64. stav (1) tačka b) Zakona o javnim nabavkama, Komisija za javne nabavke ugovornog organa Radiotelevizije Bosne i Hercegovine je postupila u skladu sa članom 89. Zakona o javnim nabavkama Bosne i Hercegovine i predložila da se ugovor o nabavci stručnih časopisa **“Priručnik o porezima i doprinosima”** i **“Registar propisa BiH”** u printanom izdanju za period od četiri (4) godine dodijeli ponuđaču **FINEKS d.o.o. iz Sarajeva**, koji je ujedno i izdavač predmetnih stručnih časopisa.

Na temelju svega navedenog ugovorni organ Radiotelevizija Bosne i Hercegovine je odlučio kao u dispozitivu Odluke.

Pouka o pravnom lijeku

Protiv ove Odluke dopuštena je Žalba ugovornom organu kao prvostepenoj instanci u postupku u roku od 5 (pet) dana od dana prijema iste u pisanoj formi, a u skladu sa članom 101. stav (5) Zakona o javnim nabavkama Bosne i Hercegovine.


Generalni direktor BHRT-a
Belmin Karamehmedović

Dostaviti:

- Fineks d.o.o. Sarajevo
- Inter-Com d.o.o. Zenica
- Arhiva